

大清會典

工部



大清會典卷之

工部

都水清吏司

織造

凡祭帛七等。曰昭事制帛。曰告祀制帛。其色青

黃。曰奉先制帛。白色。曰禮神制帛。青。赤。黃。白。黑。

五色。曰展親制帛。曰報功制帛。均白色。各制帛

名。皆織清漢文於帛端。曰素帛。無文。歲由江寧

織造入貢輸部。以供太常祭祀之用。

凡誥勅軸。誥曰奉



天誥命。勅曰奉

天勅命。皆織清漢文於軸端。繞以龍文。

誥命。四品以上。用五色紵絲。五品以下。三色。

勅命。用白綾。一品。玉軸。鶴錦面。二品。犀軸。螭錦面。三

四品。裏金軸。五品。角軸。均花錦面。六品以下。軸

同五品。小團花錦面。

凡校尉服色。供

壇

廟。暨

宮殿之役者。服駕衣。昇輦輿。用紬。執事用絹。色赤。

織團花文。供王府之役者。服采衣。色綠。織團獅

文。

凡采繪。織染五色。以供

國家慶典。

耕藉。

親蠶祭祀。筵宴及各公署典禮。張幔結采之用。





